

Sentupada e gi da skis ils 20-02-2016

La UGRL ei vegnida envidada en dalla Uniun da giuventetgna da Schluein ad in gi da skis communabel cun tscheina e sortida.

Rodund 13 commembers han fatg part all'occorrenza. La gronda part dalla gruppa ei gia semessa sin via a Laax culla posta dallas otg la damaun per saver trer aunc ina duas storschas sillas pistas frestg preparadas. Sentupai tuts dalla UGRL essens lu da mesa las diesch a Laax Murschetg. L'UG Schluein spitgava da quellas uras gia si Crap Sogn Gion ella Rock Bar sin nus. Suenter ina duas uras sils skis eis ei stau temps per in bien gentar ella hetta da Segnes. Damai ch'igl ei stau schliatt'aura havein nus il suentermiezdi buca pli fatg bia kilometres sils skis ed essan serendi a Larnags per ir a far apres ski.

Avon tscheina vein giu la pussevkladad da deponer nos skis el car annex da Taxi Mario. Tschenau havein zatgei suenter las sis el Camino el Hotel Signina. Ei ha dau cuschina taliana. Per la tscheina ha mintga commeber dalla UGRL survegniu 30 frs.-.

Suenter tscheina essan serendi en sortida ella Gondelhalla, egl Indy sco era el Pup.

Zatgei suenter mesanotg essan carrai a casa cun Taxi Mario il qual ei vegnius organisaus dalla suprastanza.

Igl actuar

Serafin Cadruvi